

Xujun xi kits'ínkjihí nda postru Pablo xuta nínku Filipo

B'i ts'ín kikjaniñaha Pablo xuta nínku xi tjín nanki Filipo

¹ An Pablo ko Timoteo, jin xi tín'exát'aihi Jesucristo. Ngayjee jun xi tintsu_boo nanki Filipo, jun xi kikj'áts'en_uu Jesucristo tísuniñaihi ko ta tísuniñaihi já xi basehe xuta nínku ko já xi ta tjihin xá.

² Kas'en_uu kju_anda ko kju_ajyu xi tsjáná Ntia Na'miná ko Nda Ntíaná Jesucristo.

B'i ts'ín kitsúya Pablo xi nkú ts'ín nchjantjai xuta nínku Filipo

³ Tsjaha máb'achjhi Ntíaná xki nga f'áítsjenna jun.

⁴ Xki nga nchjaka Ntíaná nchjantjái_nnuu ngaten_o. Tsjo mana nga b'a ts'ian

⁵ at'aha nkuhú makaá xinkíá nga tín'exát'ahaá én nda tsuhu Jesucristo. B'aha ra nistjin nga tjun tsichujinn_uu éen ko santaha nd'ai.

⁶ Behe k'an nga xi kik'atuts'ihin ni xi nda ajinn_uu, kui xi tu nku ngju_aikondjuhú santaha nistjin nga kj'uai ngáha Jesucristo.

⁷ Ajin animana tintsu_bajjun, kui nga f'áítsjehenna jun. Xian nga nda ts'ian nga f'áítsjenna jun at'aha nkuhú kju_andaha Ntíaná tísakúná jun ko an, ndaha tsa nubayá kjíya'yán ko ndaha tsa nginkun já tjíxóo tixinya chich'an én nda tsuhu Jesucristo ko tíb'ejná chja nga najmi én tiya niu.

⁸ Ntíaná be xi nkú ts'ín mjena jun. Kjuatjoho Jesucristo xi tíñajinna, kui xi tjokohonu.

⁹ Nk'ie nga nchjantjínnu, bankihí Ntíaná nga 'yún kasaá sa kjuatjo xi tínnu, ko nga 'yún kas'enu kjuankjintak'un, ko nga kixí kamankjinnu ni xi ts'e Ntíaná.

¹⁰ B'a ts'ín kama chj'ajihinnu má nihi xi kjuaxi nga nda tu xi je kuíntsubahanu ko najmi s'e ni xi n'eníjehénnu nístín nga kí'uáí ngáha Cristo.

¹¹ Kui nístín kuakuchjíú nkjin tíkí ni xi naxu kin'o, xi kitsínnu Jesucristo nga n'oo tu xi s'ejíña chjíhi kjuachánkaha Ntíaná ko n'etsjoho ra.

B'í ts'ín kitsúya Pablo nga ngandaha tíma ni xi tífíjin

¹² Mjena nga choo, já nts'e, nga ni xi tímat'an ej, kui xi tu sahá títs'ín nga tífindju éé nda tsuhu Jesucristo.

¹³ At'aha tíbe ngayjee já juhun nda tíjuun ko ngayjee xutá xingisoo nga ngat'aha Cristo kíjíya'yíhunna.

¹⁴ Tu ngat'aha nga kíjíya'yán, nkjin já nts'eé 'yún tínícha ma 'yún k'un Ndá Ntíaná ko tínícha ma k'un tíb'énímí ééhen.

¹⁵ Kjuaxi nga tín xi tíb'énímí ni xi kits'ín Cristo at'aha tíma xintak'un ko mjehe nga ts'ín ngana. Tunga tíhín ngá xi ngayjehe animaha tíb'énímí.

¹⁶ Xi tíma xintak'un, kui xi tínícha b'énímí Cristo at'aha ngandaha tínícha bangisjai. Najmi kjuaxihí nga b'a tínícha ts'ín. Ni xi ínícha mje níhí nk'ie nga tu sahá 'yún sakúna kjuanima nk'ie nga kíjíya'yán.

¹⁷ Tunga máha xutá xingisoo, tínícha b'énímí Cristo at'aha tíhín kuatjo. Be nga kíjíya ei tu xi

xínya chich'ihinna én nda tsuhu Ntíaná nginkun já tjíxóo.

18 Tunga najmi chumi ni ts'ihín ra. Ndaha tsa najmi kjuaxihí kò ndaha tsa ngayjehe k'un nga tíincha b'énijmí, xí tū ja ní tís'enijmíhi ni xi kits'ín Cristo kò kui niū xi tsjo mana. Kò 'yún s'e sana kjuatsjo.

19 At'aha be nk'ie nga tū ngat'aha nga tíchubantjáińú nginkun Ntíaná kò xí nkú ts'ín títsjá nga'yúnna Espirituhu Jesucristo kuitju'a.

20 Mje nkjúnna kò tíkuyá nga ndahachí najmi sakúna kjuasuba. Tū sa ní 'yún ndjá kúásinjña nd'ai xi nkú nga títs'in tehente, kò chá kjuachánkaha Cristo ajihín ni xi tímat'ain yjonintena. B'a kama tsa tíjña kò tsa ja kabaya.

21 At'aha an bi nk'ie nga tíjña tík'un sa, Cristo tíjña tík'uhunna. Kò tsa ni xi túbayahana, tū sahá ts'in nganağa.

22 Tsa kúátejña tík'un sa, 'yún xúbáya xána. Najmi be má nihi xi kj'ujaiń.

23 At'aha síjñaya masehen nga joo niū. Mjena k'uejña asuntee kò kfínsehe Cristo. Tsa ni xi kfínsehe ra Cristo, tū sahá 'yún nda tjín ngat'a ts'an.

24 Tunga ngat'aha ní ngandanū 'yún machjén saha nga kúátejña tík'un sa.

25 Behe k'an nga b'a tjín niū, kui nga behena nga kúátejña tík'un sahana kò nga k'ūandaya sana ajinnū, tū xi 'yún s'ejin sahanū kò tsjo k'úenuu nga b'a n'oo.

26 B'a ts'ín nk'ie nga kuichuse ngáhanū, tsjo kamanū nga n'etsjohoo Cristo Jesu.

B'i ts'ín kitsúyaha Pablo xuta ninku nga tu nku ndjáhá kuincha

²⁷ Nkuhú nga tintsu_bahanu xi nkú ts'ín tje_hen ra xuta xi y'a én nda tsuhú Cristo. Kui nga tsa kfínsenuu, skue, kō tsa kjin kúátejña, kuint'e én xi nkú ts'ín tintsu_bo, nga ndjá tincho, nga nkuhú ni xi n'enkjíntak'un, kō nga nkuhú t'n'e mo yjonuu nga ta ñja ta ñja t'n'oo nga'yún ngandaha én nda tsuhú Cristo xi s'ejinná.

²⁸ Ndaha_hchí najmi tu binkjun já kontranuu. Kui niu xi kuakúchjihí xuta xu'bo nga ndyja kō nga jun xi n'ek'ankinuu. Ntí_aaná tsj_anuu nga n'e nganoo.

²⁹ At'aha jun bi kik'ainuu nga s'ejinnuu Cristo, tunga ta kik'aihí_nuu nga ngat'aha ta choo kju_anima.

³⁰ B'a ta ts'ín t'íbitjajún kju_anima nd'ai xi nkúhu kju_anima xi kiyo nga j'ajian kō xi t'ínu'yó nd'ai.

2

B'i ts'ín tsakúya Pablo xi nkú ts'ín tjihin nga s'eyaná

¹ Kui b'a maha tsa Cristo basinkonuu, kō tsa kjuatjohō tsjá nga'yúnnuu, kō tsa Espiritu_hu nkuhú t'íts'ín manuu, kō tsa nda tíchasohō kō tíma nimanuu xinkiu,

² kui nga n'ehenu nga tu xí tsjohó kat'ena. Nkuhú kas'eyanuu kō nkuhú kjuatjo xi kas'eya animanuu. Nkuhú ch'a xinkiu kō nkuhú ni xi n'enkjíntak'un.

³ Ndaha nku ni najmi tu n'o tsa tu xi n'e nganaha ruu xinkiu kō tsa tu xi nk'a n'esjehenu yjonuu. Tu

sa ní n̄imək̄jua n'esjo yjonuu k̄o chasoh̄o xink̄iu, chasoh̄o xi nkúhu tsa 'yún nk'a t̄j̄en nga jun.

⁴ Najmi tu nku ni xi ts'ajun chasoh̄o, t̄a chasoh̄o ni xi ts'e já nts'o.

⁵ B'a t̄a ts'ín kas'eyanuu xi nkú ts'ín kis'eyaha Cristo Jesu.

⁶ Kui xi tu b'a ts'ín Nt̄ianáhá, tunga najmi kits'innisihí ni nga y'éjña chji nga kui xi Nt̄ianá.

⁷ Tu sa ní y'éch'oh̄o yjoh̄o yáha kui k̄o nku nda musu kits'ín ma yjoh̄o nga j'ai tsin xi nkú ts'ín tsin xuta.

⁸ K̄o nk'ie nga kik'a yjoninte, kinte ts'asje yjoh̄o. Kint'é'éhen Nt̄ianá santaha nga ngji ngabayoo. Kruu kin'ek'ient'á.

⁹ Kui k̄juaaha Nt̄ianá 'yún tse k̄juačánka kitsjáha ra, k̄o kitsjáha nku j'áin xi tu xí 'yúhún nk'a t̄j̄en,

¹⁰ tu xi nk'ie nga kuinú'yáha j'áih̄in Jesu kuinchakúnch'in tu yáha ni xi t̄j̄in ndjiojmi ján k̄o asuntee k̄o kinte t'anankiu.

¹¹ K̄o ngayjee xi t̄j̄in b'a kuitsu nga Jesucristo xi Nt̄ia. B'a ts'ín s'ejña chjih̄i k̄juačánkaha Nt̄ia Na'miu.

B'i ts'ín tsakúya Pablo xi nkú ts'ín k'úéntu xuta n̄inku ajih̄in xuta

¹² Kui b'a maha, jun já nts'ena, xi nkú ts'ín tehente kinu'yá'énnú nk'ie nga tsátejñajinnuu, b'a t̄a n'oo nd'aj nk'ie nga k̄jin t̄ijñanuu. Čankjún Nt̄ianá k̄o kat'atsó nga n'endjuú ni xi t̄its'ín Nt̄ianá ajinnuu nga t̄its'ínk'ankinuu.

¹³ At'aha xi nkú ts'ín sasíh̄in Nt̄ianá, kui xi t̄its'ín nga n'e m̄jo k̄o nga n'oo ni xi m̄jehe.

14 Tsa tjin ni xi n'oo, najmi tu katuma stinuu nga b'a n'o ko najmi tu chubatikoo xinkiu,

15 tu xi je ko naxu skuehenuu xuta. Jun xi ntíhi Ntíaná ko tjiin nga je kuintsubajihun xuta xi tjin nd'ai xi ch'onk'un ko xi ja kits'ínkatsún kjuankjintak'uhun. Katumo ajihin xuta xu'bo xi nkúhu niñu xi tibat'ai má jyuun.

16 Chubanijmíyahanu én xi ts'ínk'íéntu tik'uhun xuta. Tsa b'a n'oo, tsjo k'úéna nistjin nga kj'uai ngáha Cristo. At'aha nk'ie kama chji nga najmi tu kjuandahá kits'ian nga'yún nga kits'inxá ajinnuu.

17 Nk'ie nga s'ejinnuu Ntíaná, b'a joyaha tsa chje tí'bohoo Ntíaná. Ko tsa n'ek'ienna ei, an xi kuichú ma xi nkú joyaha chje xi ts'íinndjuút'a chje xi tí'bohoo Ntíaná. Tunga tsjohó tjinna ndaha tsa b'a n'ena. Ta n'etsjokoho kjuatsjona.

18 B'a ta ts'in tsjo katumanuu ko ta tjennú kjuatsjonuu.

B'i ts'in kitsúyaha Pablo xuta Filipino nga ts'ínkjisehe Timoteo

19 Tsa Nda Ntíaná Jesu tsjante, kitsa ts'ínkjisenuu Timoteo tu xi tsjo kamahana nga kuint'e ni xi tíma ajinnuu.

20 Najmi tjin sana kj'ai xi nkúhu kui, xi b'a ta ts'in ts'ínkjink'un xi nkúhu an nga kjintaha ra jun.

21 At'aha kj'ai xutaha bi ni xi ts'e bangisjai, najmi ni xi ts'e Jesucristo.

22 Tunga jahá yo xi nkú k'un Timoteo ko xi nkú ts'in títs'ínxákona nga tít'énijmíkona én nda tsuhu Jesucristo, xi nkú joyaha nku ndati xi ts'inxáko na'mihi.

23 Kui nga túb'endáhana nga kui ts'inkjísenuu chubá nga skue xi nkú ts'ín s'enda ni xi tíf'ajian.

24 Kó behe k'an nga Ndá Ntíaná tá tsjántena nga kama kffínsenuu.

B'i ts'ín kitsúyaha Pablo xuta Filipino nga tít's'ínkjisehe Epafrodito

25 Tunga nd'ai tít's'innkjíhin k'an nga tjíhin nga tá ts'inkjisehé ngáhanuu ndá nts'eé Epafrodito. Kui xi tít's'ínxákona nga tíf'ajinkona kjuanima ngat'aha Cristo. Kui xi y'exó nga kin'e nibásenú tú xi kuasinkohona nga ts'ín ni xi machjénna.

26 Tú xí tíma bahá rá jun kó kjintahá rá jun, at'aha be nga kinu'yó nga kisaté ch'in.

27 Kjuaxi kjáihin nga 'yún ndjáhá kisaté ch'in, nga ja ma kuayáhá kai. Tunga Ntíanáhá tsase nímaha nga kits'ínkíhi. Kó najmi tú suba kui xi tsase nímaha Ntíaná, tá tsase nímaha kó an, at'aha tsa k'ien ndó 'yún kama tse kjuabana kai.

28 Kui nga kitsá mjehena nga ts'inkjisehenuu tú xi tsjo k'úéhenuu nga chá ngáhanu kó tú xi najmi tá 'yún s'entahana.

29 N'ekjóhōon ndó xi nkú ts'ín tjeheñ rá xuta xi ts'e Ndá Ntíaná. Tsjo kat'enuu nga b'a n'oo. Chankjún xutá xi b'a k'un xi nkúhu kui.

30 At'aha ngat'aha xáha Cristo ja ma k'ienntjáihí ni kai. Kitsjá yjohō ndaha tsa ja ma k'iehén tú xi ts'íntjusuhun ngandana xá xi kik'aihiruu.

3

B'i ts'ín kitsúya Pablo nkú ts'ín y'éjña ni xi kis'ehē

1 Kui b'a maha, já nts'ena, tsjo kat'enuu at'aha Ndá Ntíaná Jesucristo tíñajinnuu. Najmi tífehe

k'an nga t̄a kui t̄a maha ni xi t̄ib'et'án̄uu, at'aha ngandanuu niu.

² Chúh̄un yjonuu já ch'onk'un xi ja yo, xi ch'onk'un xá xi t̄its'ín, xi mjehe nga n'e circuncision tiya.

³ At'aha circuncision xi ndoo, kui xi kich'aá ñá xi yankjáán Nt̄ianá xi nkú ts'ín bakúyaná Espirituh̄ Nt̄ianá k̄o ma 'yún k'aán ngat'aha ni xi kits'ín Cristo Jesu, najmi ngat'aha ni xi n'ehe yjonintená.

⁴ An bi kama nkjún kama 'yún k'an ntje xi y'ahana. Najmi t̄jín kj'ái xi b'a ts'ín kama 'yún k'un nij xi nkúhu an,

⁵ nga ajih̄in x̄uta xi ntje Israel t̄jeh̄en r̄a kitsian k̄o kin'ena ni circuncision nga t̄jínna jin n̄istjin nga kitsian. Ntje chán̄i Benjamin t̄jehenna. X̄uta hebreohó xi chán̄a. Nku nda fariseo xi 'yún kits'íntjusun chich'in kjuat̄éxumaha Moise kama.

⁶ Kui kjuat̄éxumoo 'yún kikuh̄un nga santaha kit-sjennkí unkie x̄uta n̄inkuh̄u Cristo. Naxu tsátejña xi nkú ts'ín bakúya kjuat̄éxumoo. Najmi t̄jín xi ch'on ts'ín kinchjayanena ngat'a ts'e kui nij.

⁷ Nk'ie bi, ngat'a ts'an 'yún chj̄ih̄i r̄a ngatent̄e ni xu'bi, t̄unga nd'ái tu ngat'a ts'e Cristo xi nkú joyaha ni xi najmi chumi ni chj̄ih̄i r̄a kits'in ma kui niu.

⁸ Nd'ái b'a xian nga najmi chumi ni chj̄ih̄i r̄a ngayj̄e niu, at'aha ja be Cristo Jesu. Kui xi Nda Nt̄iana maha k̄o kui xi 'yún chj̄i saha r̄a nga t̄u mí nihí ni. Ngat'aha Cristo kits'inndyja ngayj̄e ni xi t̄jínna t̄u xi kama ts'in nganahana Cristo. Nd'ái nk'ie nga basehe ni xi kindyjo, b'a mana xi nkúhu tsa stjé niu mana.

⁹ Mjena kúátejñajian ni xi kits'ín Cristo. Nk'ie kits'intjusan kjuat̄éxumoo. Kuenta ts'an tsangisja

nga naxu kuichú ma nginkun Ntíaná. Tunga nd'aihí s'ejinna Jesucristo. Kui nga Ntíaná títsjáhana nga naxu tíjña nginkun tu ngat'aha nga s'ejinna.

¹⁰ Ni xi mjena nd'ai, mjena nga skue sisia Cristo ko nga'yuhun Ntíaná xi kits'ínkj'áya ngáha ra Cristo ngabayoo. Mjena nga ta sakúna kjuanima xi kits'ínkjáihin. Mjena b'a k'ué xi nkú kik'ie Cristo nk'ie nga k'ien

¹¹ tu xi ta kj'uaíyahana ko an ajihin xuta k'ien.

B'i ts'ín kitsúya Pablo ni xi kingjásihin nga y'ejña

¹² Najmi b'a tíxian tsa ja kisakúna ni xi kuaxian ko a ra tsa ja kama yá xi tjihin nga kama. Tunga tu nku tifi tjennkiná ni xi kuaxian, tu xi sakúhuna ni xi kama mjehe Cristo Jesu nk'ie nga kisakúhu an.

¹³ Jun já nts'e, najmi b'a mana tsa ja kisakúna niu. Ni xi títs'inná, títs'inchaya ni xi chóo ko títs'in kjua'yuhun ra yjoná tu xi sakúhuna ni xi niba askahan.

¹⁴ Cristo Jesu ts'ínchjén Ntíaná nga tínchjaná nk'a ján. An bi tifi tjennkia ni xi títsu nga tsjáha xi nt'é éhen.

¹⁵ B'a ts'ín tjihin nga s'eyahaná ñá xi ja tsichu maá xi tjihin nga kamaá. Ko tsa tjín xi kj'ai ts'ín s'eyaha, Ntíaná ta k'uéjña chjihí ni xu'bo.

¹⁶ Tunga tjihin ni nga tu nku ndjáhá kuinchajián ni xi ja kin'ekjáihín santaha nd'ai.

¹⁷ Jun já nts'e, b'a n'oo xi nkú nga títs'ian ko ta chase chubayohoo xuta xi b'a ta tijncha ts'ín xi nkú ts'ín kik'iejña chubayaihi.

¹⁸ At'aha nkjin maha xi tjintu xi nkúhu tsa tu kjuandahá kin'ek'ien Cristo at'a kruu. Ja ma nkjin

n̄iyá b'a xinnūu kō nd'aī santaha t̄inta ts'ihinna nga t̄ixinyanūu xi nkú ts'ín t̄jyahā xutā xu'bō.

¹⁹ Kui xi t̄incha fi má nga ndyjā, kō ni xi incha mjehē s'ehē kui xi nt̄iahā. T̄incha bangisjaī kjuachánkā ajihin̄ ni xi tū subahá maná, kō tū nku ni xi ts'ehé̄ asunnteē t̄jintuyáhā kjuankjintak'uhun̄.

²⁰ Tunga máhā ñá, nanki xi t̄jña nk'a ján t̄jehenná. Yohó nankiná má nga t̄ichuyáhāā nga n̄ibajehen̄ Ndā Nt̄ianá̄ Jesucristō xi ts'íink'aniná.

²¹ T̄jihin̄ nga'yún nga kuat̄éxumahā ngatenteē ni xi t̄jín kō ts'ínchjén nga'yúhun̄ nga ts'íink'óntjaiya yjonintē x'an̄ xi kich'aá nd'aī. Xi nkú ts'ín t̄jihin̄ kjuachánkā yjonintehē, b'ā tā ts'íink'íé xi ts'añá.

4

B'i ts'ín kitsúya Pablo ni xi incha ts'ín xutā n̄inku Filipo

¹ Kui b'a maha, já nts'enā, t̄jo n̄kjúnna jun kō f'áítsjenna jun. Jun xi kjuatsjonā kō nga chjih̄i xána. Tū nku b'a n'ē ndjáhá t̄inchajiun̄ Ndā Nt̄ianá̄, jun xutā tjonā.

² T̄íbankih̄i nā Ebodiā kō t̄íbankih̄i nā Sint̄ikē nga kanchjakō nda ngáhā xinkjín̄ at'ahā nkuhú̄ Ndā Nt̄ianá̄ incha yjanki.

³ Kō j̄i tā t̄íbankih̄i nga t̄isinkoī jminchjún̄, j̄i xi b'ā tā tsu xá xi t̄ín'ei. At'ahā nga y'enijmíá̄ yo, kui jminchjún̄ tā y'enijmí̄ én̄ nda tsuhū Nt̄ianá̄, xi nkú nga tā kits'ín̄ ndā Clementē kō xutā xingisoō xi kits'ínxákona. Kui xi ja t̄jintut'á̄ j'áihin̄ xujun̄ má nga t̄jintut'á̄ j'áihin̄ xutā xi k'úéntu t̄ík'un̄ s̄ín.

⁴ Kas'enūū kjuatsjohō Ndā Nt̄ianá̄. B'ahá̄ tā t̄ixin ngáhanūu. Tsjo kat'enūu.

⁵ Ngatentee xuta incha kate nga nda animanuu. Ja tíña tiña Nda Ntíaná.

⁶ Najmi tu chumi nihi xi fantaha ruu yjonuu. Tu sa ní tehente t'inyohoo Ntíaná ni xi machjénnuu nga chubakoo. Tinchíhuu ko ta tjohon máb'achjíhi ni xi tí'bainuu.

⁷ Kjuajyuhu Ntíaná xi najmi mankjihin xuta, kui xi kúhun animanuu ko tsjáníyá xi nkú ts'ín n'enkjínk'un at'aha Cristo Jesu ts'enuu.

⁸ Ko ni xi fekuhu, já nts'e, t'íbankinuu nga n'enkjínk'un ni xi naxu tjín, ni xi yankjún, ni xi nda, ni xi je, ni xi tsjo k'un, ni xi nda chasehe. Ngayjee ni xi 'yún nda ko ni xi sasinná, kui ni xi n'enkjínk'un.

⁹ N'etjusun ni xi tsakuyánuu ko xi kixinyanuu nga n'oo, ni xi kinu'yó nga kinchja ko xi kiyó nga kits'ian. B'a n'oo ko k'úéjñajinnuu Ntíaná xi tsjáná kjuajyu.

B'i ts'ín kitsjáha Pablo máb'achjíhi xuta ninku Filipino at'aha tsasinkoho

¹⁰ 'Yún títsjána kjuatsjo Nda Ntíaná nga ta kis'entahá ngáhanuu an. Kjuaxi nga tehente kjintahánuu an, tunga santahá ni nd'ai kisakú niyánuu nga tsisinkonú.

¹¹ Najmi tsuhu ra tsa ndyjat'ana tsa mí nihi, tsa kui nga b'a tíxihinnuu. At'aha ja kamankjinna nga tsjo k'úéna ajihin tu mí nihí ni xi kamat'an.

¹² Be xi nkú ts'ín bintsúbajián kjuax'an ko ta be xi nkú ts'ín bintsúbajián kjuanchiná. Ja kama nkana tu mí nihí ni, tsa tsé sisinna ko tsa kama bjona, tsa 'yún s'ena ni ko tsa najmi chumi nihi xi s'ena.

13 Ts'in chúkjuā tū mí nihí ni, at'aha Cristo tsjá nga'yúnna.

14 Tunga ndahá tín'o nga t́bisinkonú ajihín kjuanímā xi tíf'ajian.

15 Jun xutā nínku nanki Filipo, yo ni xu'bi. Nk'ie nga tjun y'enijmínuu én nda tsuhu Jesucristo ko nk'ie nga tsitja ante Macedonia, ajihín xutā nínku xingisoo tū nkuhú jun xi tsisinkonú. Kik'ainú xi nkú t́jn kitsjánuu Ntíaná.

16 Santaha nga tsátejña nanki Tesalonika, nku jo niyá tā kin'ekjínú ni xi kamachjénna.

17 Najmi chje xi t́'ainú t́bangisja. T́bangisja níná nga 'yún kas'e sanuu kjuanchiná nginkun Ntíaná.

18 Ja kits'inkjáhín ngayjee ni xi kin'e nibánú ko santaha t́'anki tímana nd'aj. Ni xi kin'e nibákonú Epafrodito, kui xi kits'ínndjuú ngayjee ni xi machjénna. Kui niu xi nkú joyaha nku chje sinjne xi ts'ínkjáhín Ntíaná ko sasíhín.

19 Tsjánuu Ntíaná ngatentee ni xi machjénnuu, xi nkú ts'ín t́jñajin kjuanchiná chánka xi sakújinná Cristo Jesu.

20 ¡Ntíaná xi Na'miná maha, kui xi kayaha kjuachánkahā santaha tū nkjéhé ni! B'a katuma.

B'i ts'ín kits'ínkje Pablo xujuin

21 Tjohon kjuasuniñana ngatentee xutā xi ts'e Cristo Jesu. Títs'ínkjinuu kjuasuniña já nts'eé xi t́jntukona ei.

22 Títs'ínkjinuu kjuasuniña ngatentee xutā xi ts'e Ntíaná xi t́jn ei. Ko xi t́jncha ts'ínxá ni'yaha ndā t́tjun k'aku Cesar, kui xi 'yún títs'ínkji sanuu kjuasuniña.

²³ Kat'ejñajinnuu kjuandaha Nda Ntiana Jesu-
cristo.

Éhen Ntíaná
New Testament in Mazatec, Jalapa de Díaz
(MX:maj:Mazatec, Jalapa de Díaz)

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
e05183c2-7c34-5cdd-8c78-15ea51bd8cbb